

中国近代人物日记丛书


翁同龢日记

陈义杰整理

四

中华书局





中国近代人物日记丛书

192

翁同龢日记

第四册

陈义杰整理

12801

W58302

中华书局

目 录

光绪九年癸未(1883年)	1713
光绪十年甲申(1884年)	1801
光绪十一年乙酉(1885年)	1905
光绪十二年丙戌(1886年)	1991
光绪十三年丁亥(1887年)	2079
光绪十四年戊子(1888年)	2171
光绪十五年己丑(1889年)	2251

光绪九年癸未(1883年)

癸未元日(2月8日) 晴和,午后云气蓬蓬。子初二刻起,盥洗毕,敬爇天香,祝圣学日新,丰穰告庆。恭诣真容前行礼。丑初到直庐,同官相见各一揖,两班章京皆到,每人皆一揖。是日风从艮地起,主人寿年丰。卯正二刻召见于西暖阁,皇太后与上同坐御榻,太后在右,上在左,俨如宋宣仁故事,盖前此所未有也。诸臣入,先叩贺太后天喜,汉语。次叩贺上天喜,清话。皆一跪三叩首。维时中官传赐太后暨上八宝荷包各一,敬受即悬于胸,一叩首谢,然后上垫。谕以天气清和,吉祥善事,皇帝好学,日近诗书,自明日起,当同在坐,以后早事皆拟亲裁,诸臣亦颂扬数语,即退。辰初一刻诣慈宁门前行礼,随诣乾清门前行礼,退憩直房。辰正一刻由西华门至寿皇殿旁孔雀房恭候。必须先五六刻往,否则挡住矣。巳初二刻上至,先一刻内务府官送到荷包一枚,各悬于胸,此旧例也,旧则御前大臣呼名跪下。于道东三叩头谢,即在西边牌楼下随同三跪九叩,于道西站回班。退诣贤良祠先公位前行礼。诣恭、醇两邸处请安,不云贺年也。出城祝兰孙相国寿,归巳未正矣。合家称贺。是日起跪凡四十九次,叩头一百五十。

初二日(2月9日) 午正起飞雪,转密,至辰巳间止,仍阴,无风。照常入。无事。普锡、春祺、直隶恩旨。无起。卯正二刻坤宁宫吃肉。凡三十人,蒙古年班来则诸大臣不与,惟御前及军机在坐,今年则蒙古王公不来,故外廷一品咸集。退后在直房饭,得尝膳房赐肉,此赐内务府大臣者,今各以送直房。饱啖而出。六花飞舞,襟袖皆润,可喜也。拜数客即归。真容

前叩头，静坐读书，矜平躁释。

初三日(2月10日) 浓阴欲雪者竟日。照常入。无起，早事少，见面摺一，浙江恩旨。黎明传散。归读书，饭后出城，略拜数客，晤汴生。独游龙树寺，西山不见，林烟渺然。僧某杭人，年七十余，甚俗。到法源寺，本欲看画，而寺僧适归，未及下车而去。瞻仰真容，敬思遗泽，小子无一克承，涕泪满衣。

初四日(2月11日) 雪意仍浓，午后开霁。无起。廷寄一，伯王等，恩旨一，安徽。黎明散，拜客归。饭后到署办事，新正第一日，同人皆集，惟瑞公进班未来，在署十二刻。得伯述书，推举数人皆贤者也，尝识之于册。强汝洵，己未举，深阳人；彭申甫，己未举人，长沙人；张裕钊，湖北人；韩弼元，太湖同知傅怀祖，候补道朱之榛。得吕世兄绳武书，告其祖母太夫人病亟，求资治后事。

初五日(2月12日) 又竟日沉阴，地润，欲雪未雪。无起，内外皆无摺报，无奏片。天未明即传散，待至辰正多，始同诸君诣恭邸处商办一切，兼新年贺喜也，一恩科事，一军机领班事，一库伦缺，一马兰镇缺，一总署添吴蕙吟。邸言吉和将告，并斟酌换人。坐四刻多。急驰赴银库，已正三刻矣。收三十六万五千零，放二万三千零，申初一封库。刘仲良来谈。徐小勿赠，却之。

初六日(2月13日) 五更沉阴。无起，无见面摺。是日案上中官传懿旨，云初二日起感寒服药，故未见起，谕臣等知之。上第一日到书房，孙、张二君阳曜门跪贺新喜，余与劬贝勒因见过，不再往。读尚好，不过半功课中之三分耳。已正毕，归饭。饭后拜客，至东北远处。辰正密雪，余时在殿讲书，讲毕举帷，则积二寸矣，达午仍密，未申间变小雨，计入地必七八寸矣，此番快雪，数年所无。写鹿卿函。

初七日(2月14日) 昨夜雪达旦不已，直至午初方止，计融化堆积者不下尺许矣，午后晴暖。无起，无见面摺，延茂封奏。到书房站班，

读可，不能一遍。已初三刻退，冒雪出。是日邀同邑邵汴生、殷厚培、庞纲堂、劬庵、杨振甫、邵子翰、李玉舟、俞佑莱、叶茂如、季士周饮，申正散。期而未至邵伯英、季英、季姑爷及许先生鹤巢也。得衡州函，十一月廿五发，皆安，喜期改腊八日。

初八日(2月15日) 又阴，已午间雪又作，抵暮未已。二起，军机，恩光、伯都纳付都统。陈启泰封奏。卯正三刻入见于西暖阁，上亦在座，宝相递摺，上接阅，颇用心，自首至尾，不少忽也。每一摺毕，太后降旨，枢臣承旨后仍于上前复述之，应放两缺，太后以硃笔授上圈之。是日凡五摺两单，四明发。延茂劾志和，交查办。为时较久，凡三刻五分而退，代奏前日恭邸所陈上徽号事，仍以议上者圣孝谦冲者圣德为言。辰初二到书房，是日初上生书，《左传》末册，熟书略读一过，甚畅适，午初一退。拜西城客，谒醇邸未晤，路极泞。

初九日(2月16日) 丑初起，雪已积寸许，时正密也。无起，无外摺。卯正三刻上诣太庙行时享前期礼，臣等蓝袍补褂于乾清门西阶下站班回班亦站。毕换貂褂挂珠。辰正二刻上到书房，照常上生书，甚好，略减数遍，午初散。拜客一二处，到绍彭处，未行礼，俾之节劳也。祀神，行礼。

初十日(2月17日) (是日青褂。)五更雪作，极密，飞花成片，辰正止，积二寸许，俄而开霁，天暖，簷溜下矣。无起。明发一道，恗景瑞明白回奏，伯、闾昨日到报也。上生书，讲摺子，皆极好，已正余先退。登车出东安门，忽忆遗忘靴掖在内，复折回取之，则上已下书房矣，往返颇倦。抵舍，伯寅即来，余与伯寅今日邀宝相、李公、景师在寓小集，未初陆续来，申正散。庖人粗拙，惟见有饘簋餐而已，伯寅赏庖人八十千，家人廿千，马号十千。客退亦乏极。寄衡州函。

十一日(2月18日) 阴，午后晴，大风数阵，旋止。无起。有见面摺，暂留。有一起，嵩昆。到书房站班，读极爽，已正二退。到署，闻无

人焉，径归写对，路极难行。

十二日(2月19日) 晨晴，午后阴。二起，军机、刘秉璋，二刻十分。张佩纶，刘瑞祺封奏。辰正二入见于西暖阁，摺件多，上亦未能细阅。是日御史刘瑞祺条陈，内有慎纶音、任重臣、察说言三件，皆关涉枢廷者也，同僚或不以为然，余独以为语甚切至，在上前微辨之。宝廷吏议革职矣。退到书房，今日较晚，不上生书，遂辞出。再到直房，午初二刻始散。归后写对子，倦不可支，而昨日起右腰忽酸软。员梧冈凤林，新选石阡府。来辞行，丙辰同年，久在荣仲华家处馆者也。

十三日(2月20日) (赏元宵一百个。是日起四日无书房，十三、五、六日皆着貂素褂。)又阴欲雪。无起。无外摺。两起，刘志沂、王德榜，皆带。刘恩溥封奏。黎明传散少迟，出看书。午刻诣宝相国处饮，在座皆同直也，申初散。孙燮臣来，衡司司官来回事。

十四日(2月21日) 晴，巳辰间大雾，午霁，晚又阴。无起，廷寄一，乌什通伊犁路为俄所得，请挽回。巳正方散，今日二班稍迟钝也，归后遂未出。嵩昆书农来长谈，库中积弊，揭发无隐，快人也。李丹崖从家来，长谈，赠物受，赠金却之。粤海崇光君有赠，却之。是日上诣奉先，寿皇二殿行礼，枢臣于内右门站班青褂。后随行至九卿朝房敬竣，站回班，内务大臣同站。同时入内左门，此班先向南转向西。

十五日(2月22日) (赏新会橙，两处五十个。)阴。无起，明发一。卯正二即散。雪微花，地白旋止，仍阴。颇虑阴寒太久，或伤麦根也。法、越事合肥相国力主在宝胜通商，而视刘永福为眼中之钉，此可虑者也。新疆北路盗劫频频，金顺一军皆暮气，而糜帑数百万，廷议亦未尝注意，此尤可虑者也。饭前访醇邸贺其生第五子，未晤。先送如意一柄。饭后刘仲良中丞来，王闾卿方伯来，皆长谈。仲良言，金满必购人穷探始得消息，并拟添带勇丁二营。又言江西同知崔国榜实能吏第一，拟奏调。闾卿初见，人甚爽直，而微带机警，似

可用,不知何缘见恶于当轴也。其言曰新疆十年中可无事,又言阿拉善租地与俄人、法人,肆意招民开垦筑堡无数,若他日有事,则长驱而来,粮草供顿不烦筹画,此大可忧者也。又言战阵望气之诀。申初祀先,明日敬收真容,吾家旧例初六日收真容,今改于十六者,故乡邱陇隔越,得瞻拜遗像为幸也。

十六日(2月23日) 晴暖,可无虑阴寒伤麦矣。照常入,事极多,四川一省至八九封,批摺至五十余件也。一起,三刻。见面摺十二件,明发十三道。已初下,述旨毕,午初二刻多始散。即诣孙燮臣处便饭,郑小溇、新放宣化府,乙酉同年。童薇研、许星叔、张子腾同坐。散后送刘仲良未晤。

十七日(2月24日) 晴,午前大风,颇寒。无起,无事,清字旨一道。到书房站班,六附额病痊,初次入直。读甚好,已正退。是日邀张子青、徐荫轩、孙莱山、广绍彭、孙燮臣、张子腾饭,莱山午初即来,诸客未初始集,散已申正二矣,倦甚。近来胃气益弱,每食辄饱胀。

十八日(2月25日) 晴。一起,二刻许。明发二,廷寄二。到书房展正矣,生书照常,甚倦,已正三退,大有所减也。入署,曹司阒寂,档房竟无一人,作札伤之。连日甚寒。

十九日(2月26日) 晴。无起,明发二,廷寄二。到书房站班,读好,已正一散。出西华门拜客。午正赴景秋坪师之招,兰孙、伯寅在坐。申正散,归已薄暮。

二十日(2月27日) 晴暖。无起。穆图善清陛见,暂留清旨。无事。到书房站班,读尚好,已正三散。诣麟芝庵处,祝其太夫人寿,铁冶亭先生之女,年八十矣,聪明健饭。余撰联云:起居八座贵,风雅二亭传。谓冶亭及如亭也。少坐,饮数杯。归酣卧,向未曾有。见元僧写《楞严经》半部。张薇藏,乔松年情人补四卷,银字暗淡,学褚,石公跋,字拙。

吴江永兴忏院比丘世殊背诵《楞严》、《圆觉》、《维摩》、《超信

论》，日为常课，忆持无失慢，染楮磨银，手书四经，工毕捧至山庵，得获顶戴，因谓之曰，一切众生于无量劫中，经题名字不可得闻，何况受持读诵，书写供养，今上人曾于过去恒沙劫中承事诸佛，种诸善根乃然，如是受持读诵，书写供养，岂小小因缘者哉，于是欢喜无量，合掌说偈云：

大觉世尊，大悲大愿，首为阿难，敷演秘典，七处征心，八还辨见，说诸阴魔，皆由妄现，正念坚凝，魔不得便，比丘世殊，写斯经卷，照日耀心，白光烂烂，诸天龙神，散华赞叹，令持经人，心不退转。至正十年九月十五日霞雾山居比丘清珙焚香拜书。

胡徵跋云：世殊事无可考，清珙常熟人，著有《语录》一卷，《山居诗》二卷，生于宋咸淳间，居霞雾山卓庵，后为嘉兴福源寺方丈。亦名石室上人。胡，嘉定人，道光十一年跋。又有祖观跋，即觉阿和尚，苏州诗僧，余曾识之。

廿一日(2月28日) 晴，五更月晕有珥，如圭之二邸，晓仍寒，午暖。无起。无事。到书房，读好，已正先退。到直庐吃面二碗，午初开印。补袪朝珠不行礼，仅四人对揖道喜，两班皆不来也。出访覃叔，一派痴话，可怕也。到厂肆，携钱南园字幅，旧拓《汝帖》归。于论古斋见方二壶雨山，刘松年青绿山水，巨然墨笔烟客仿梅花道人，又一幅仿某君，有再题数行。皆佳。于博古斋见张文和、陈午亭诸人唱和诗册二本。路尚难。昨日徐小云谒恭邸，请定领班，邸点沈源深为二班领班，李耀奎为二班帮班，皆由头班调。以冯光勋为头班帮班，由二班调。盖周瑞清缺悬数月矣。盛蓉洲同年植型，新放安襄郟荆道。来见。

廿二日(3月1日) (是日起整功。) 晴，暖甚，化冻。二起，军机、张沅卿。辰初二入，一刻多退。一明，二寄，发下封奏六件。已初到书房，生书已读十遍矣，接看甚好，午初一早晨功课毕，膳后尤快，未初全完矣，以《通鉴辑览》请带还宫中读之。到署，事甚繁多。是早入时伯寅

遣人告知，其尊人患病不語，不能入直，意甚危之，比見起下，則蘇拉來告丑時歿矣。申正馳往吊之，待良久，一哭出涕，蓋傷其白髮持喪，猶勝鮮民之偷息日久也。歸已酉正。

廿三日(3月2日) 晴，午正微雨湿地，旋過。无起，直隶恩旨一道。到书房甚早，读微涩，餘尚好，午正三刻多即退。本拟出城，倦而中止，遂归。无一事。

廿四日(3月3日) 晴，早寒午暖，天明后大风，旋止。二起。第二起贵恒，辰初三刻入，二刻退。四明，二寄。已初一刻到书房，生书方读一遍，接带甚好，余工皆未多减，未初二刻退，今年第一日也。到署，事甚繁琐，衡司所拟稿件竟至文理不通，可恨可恨。归嵩祝三来谈。

廿五日(3月4日) 晴，寒暖如昨。无起。到书房甚早，读甚好，午正三即退。出城看伯寅，略拜数客归。新授潼商道刘志沂春轩，行一，江西，癸丑进士。来见，此人少孤，事母笃孝，家极贫，授徒自给，在部三十一年，绝不干谒长官，曰吾于抚字必当尽心，断不取非义一钱也。惟潼关税额例有一万八千，近年皆尽征尽解，而户部勒限于三月复额，如此则惟解绂而去耳。语甚切挚，盖血性人也。司官来回事。福松伦。见张文端别院倡和诗册。

廿六日(3月5日) 早阴，午晴。二起，军机见一刻余，第二起张之万。三明一寄，一文旨。到书房已甚晚，读生书照常，然已午初矣，写字而退。余先去，诣国子监，晤景、治二君，将住南学之博士王鸣珂撤去，令其自告退也。其人为王仲莲之侄，似有烟癖，屡为学生所诃，优容已久，若不撤，学务必无起色。未正先行，拜客归。

廿七日(3月6日) 五更大雾，不辨咫尺，辰巳间始开，仍阴，午后霁。无起。卯正二到书房，劄贝勒云，顷奉传知，嗣后每日上于卯正二刻到书房，不等早事发下，如有起，当再到养心殿云云。余等

却无人来传，此则总管新授人，李双喜告病。诸事生疏之故。读极好，未初一退。偕孙公到署。庚辰门人毛激来见，四川人，蜀云，名士也，目光微露。言去年科场事丁帅偏袒首县，未协公论，其徐治迹皆好。丁寿鹤亦来见，原名体乾，四川制军丁稚璜之第四子也，贡士，未廷试，瘦弱，疑有嗜，庚辰门人。言黔抚林君声名未佳，无知人之识。湖北候补令裘宪璟^补，行二，其父先公辛卯本房，为崇仁令，故。貌清而丰，语亦畅达，甚有才调，谈鄂事中肯。

廿八日(3月7日) 早阴，午晴。无起，二寄。卯正二刻上到书房，读甚奋，未初一刻退。诣张子青前辈饭，李兰翁、徐荫轩、广绍彭、许星叔同坐，申正散。银库丰^伸泰、文桂来回事。在子青处得见所藏高房山为鲜于伯几画云山卷，张丑跋。王蒙为马文璧画卷，卞令^普藏。钱舜举画瓜，宋高宗竹雀，子昂跋。皆无上妙品。石谷画卷，恽^恽题，宣^宣题，钱朝鼎跋。又画册十幅，亦世不多觐也，饱看而归，犹有余味焉。

廿九日(3月8日) (洋灰鼠袍褂)。五更雾阴，午晴暖。二起，辰初一刻入，三刻许退。六明，一寄。二起，恩、福。是日拟旨，于志和参款甚难着笔，斟酌数四，递事传退，已午初一刻矣。未到书房，令南书房太监带信毓庆宫，在刑部朝房坐良久，仆辈始来。郎出城赴汴生约，又坐良久，王燮石始来，主客三人，谈至申二散。路泞难行。

二月初一(3月9日) 阴，雾甚重，辰巳间始开，雨意殊剧，午后露日光。无起，明一。卯正二刻坤宁宫吃肉，臣在第四列第一，肉尚温，敬尝一脔，酒饮半觚，叩头而退。到直房小坐，即到书房，上犹未入座也。生书照常而微倦，未初二刻退。入署，遇敬、孙、徐三君，散后乏极，而江藻生^{槐庭}来谈宝匣事。宝匣系内务府官会工部官安修，其匣狭而高，较旧式已小，摇之若无物者。四角四钉，未能启视，安时内务府官捧上东华门扁，则用黄袱盖，而未安时正在黎明，未

暇細審，似不致用木質，此皆江君云然。然皆經查估大臣驗過，查估系文星岩協揆，孫燮臣先生也。

初二日(3月10日) 晴暖。宮內還願，吃小肉。無起，一寄。到書房，連日讀皆倦，巳正先退，食於朝房。饒首四枚。到庫房放正白藍餉，收兩淮鹽課，共收發十一萬零，未初畢，蓋未嘗有也。歸後即繙書帙，覺白日甚長。紹彭來邀談，因詣之，歸已酉正，迫睡矣。寫與藁脚函。輪船廿八日從南開來。未知的否。

初三日(3月11日) 陰，向晚飄雪花，可慮可慮。二起，軍機、叶毓桐。七明四寄。巳初到書房，上方讀熟書也，接讀生書，微減，此等日實少四刻多，由書房還養心殿再來。不得不變通，實則召見在坐無甚益處。未初二退。到署，少坐即還。陸葑調兵部，芝庵來工部，額小山任理藩院尚書，思福補熱河都統，福錕調戶右，貴恒調刑右，嵩申升禮右。得榮侄十二月……日函。得伯述函，怨我深矣。

初四日(3月12日) (齋戒。天青桂。軍機不挂珠，書房挂珠。)晴，雪消，早起牆陰積一二分。稍寒。無起。卯正二來，讀尚好，膳後倦，未初二退。邀童薇研，孫燮臣、張子騰飲，烹熊掌，食之甚美，客退日暮矣。

初五日(3月13日) 晴，頓暖。無起，無見面摺，如昨。上于卯正二到書房，未及站班，讀甚奮。子騰到三庫考選御史，延齡先退，未初三散。訪紹彭，伊請山東沂州人馬仁齋治病，對坐咒之，揚眉撮口，情態百出，云治好多人矣。晚訪芝庵不值，芝庵來長談。得衡州函，皆安。得常熟函，知虎官入泮。援府學。

初六日(3月14日) 大風，晴寒。二起，軍機、昆岡。擬底畢，巳初二到書房，熟書猶未完，巳正讀生書匆忙矣，微減。飯後余先退。訪朴園長談。歸後陸葑來談。文光來回安修寶匣，瓦料未齊，此事恐大費唇舌，今日見兩監督，始知腊底始付，知該窰不無含混延閣

也。

初七日(3月15日) 风未止,午后又大作。三起。二起光照,三起梁俊。三明一寄。已初半到书房,熟书甫读数号也,生书微减,午后讲摺毕偕燮臣先退。到蒙古馆内务府公所查验铜字铜炼,见广识大,剑头。璀璨溢目。又验金银镮金七成,每镮七钱五分。及铜、铁、锡镮,五香料、五药、有人参。五色丝、五色绉,合龙经番字。皆可。铜匣十个,十匣十八个。即令司官会同内务府郎中等眼同入匣钉好,外加封皮,两衙门堂官各画一押,存银库。出至东华门,令匠役乘梯至匾额,用试金石磨其字角,确系红铜,以铜锤敲之,声渊然,其为铜质镀金无疑矣。仅铸一清文华字。遂具摺稿,拟于初十日复奏也。麟芝庵、孙燮臣、敬子斋、兴石海、徐小云皆集,内府则田季詹、广孝侯也,申正归。

初八日(3月16日) 晴,有风,暖。一起,军机,明发一。辰初一刻入,至二刻五分即退,专为马兰镇兵滋事一案也。宝相初入,假三十日。兰翁先退。余与景师定稿述旨毕,午初二刻矣,到书房托同事先下。即赴署,与诸曹商酌各事甚繁。出城看伯寅。访兰孙,谈马兰镇兵正法者四人,余恐该镇行法时复有譁躁等事,故往就商,而兰翁以为过虑也。

初九日(3月17日) 晴,有风,早犹寒,午则暖甚。二起,军机、内务府大臣。有引见。述旨毕即到书房,时上正见内务府大臣,未至也。已正来,二刻方入座,熟书已于还宫前读毕,唯馀生书,而倦怠迁延,竟不欲读,不免声色遽疾。午正一始勉强读完。方退食,而内监来言传余入,至则上竟出殿,由东阶趋角门将出,群监跪请还,不能得。余三人序立,从容致辞,先以书房规矩不宜有此,继言当检书目,若有图画可以展览,始首肯回殿,膳照常进,膳后看《盘山志》。余因陈晓晓不已,诚臣之过,然迫切出于担忧,实不容已,上亦欢然释此郁结矣,未初二退。静思迂直非启沃之法,然因循亦玩愒之

渐，何处是着力之原，当反求之耳。司官文镜堂光、曹少峰^师、陈少希^{钦铭}、益菊农^龄各来回事。绍彭来。

初十日(3月18日) (灰鼠袍袪，海^{螺冠})晴，暖甚矣。二起，军机，福辄。日初入，一刻十分退，到书房，熟书久毕矣。土于巳初三来，待至巳正一始入坐，生书五号，勉强耽延，然后读讫，竟不写字而退。与同官谈论，稍不合，动意气矣。未初二退。到署，即归。杨子和、弄，新放惠州府。梁彦卿^俊，新选梧州。先后来，皆长谈。杨静细、梁方正稍迂，然贤太守也，此二君当有济于时，识之。

十一日(3月19日) 晴暖。无起，明发一。事下即诣书房，满书甫毕也，今日读合旧规，一切皆好，惟无起早来，终不足为定式，可虑。膳后讲摺即退。到国子监，正值挑官学生，读书之声聒耳，景、治、奎三君皆在，新司业徐东甫^{会祥}尚未到任也，典簿韩永成闻曾当花户，今日报满上堂，余命咨回吏部，此曹可恨。薄暮归。徐雨之润、唐廷枢、张鸿禄寄荔干两匣，新会橙一桶，新好如摘。孙兄未入直，眼受风也。琉璃窑监督成月坪、管玉圃来，以瓦料惇切付之。

十二日(3月20日) 晴暖。无起，无明发。事下即到书房，犹未至也。读甚合辙，一切照常，午初一退。余告假，驰出城赴兰孙招，于畿辅先哲祠看所藏字画，多佳者。春秋一挂即收，有看馆人掌之，馆人每月十金。潘宅公祭，散后同诣一奠，奠讫即行。过厂肆，见石谷《溪山雪霁》小卷，精绝，后有姜西溟、陈六兼二跋。又《定武兰亭》卷，有赵临一本附裱，前有萧翼赚《兰亭图》，尚旧。皆永宝畜。归已日落。

十三日(3月21日) 晴暖。无起。到书房站班，读尚奋，惟气尚弱，孙燮臣入直，未初一退。入署，事颇多。魏晋楨递说帖，诉其复劾请准报销极细，而竟作罢论，指福志、伦五常承顺堂官之意云云。其实伊尝签出，既而递略节，则自己删去矣，令再详悉签明候酌。新

授宁夏府继良绍廷，行三。来谒，此人能受辛苦，有志气，可办事，其家旗下差使。其弟锡良，清弼行五，甲戌即用山西首县，张香涛目为循吏第一。呼余为师，盖曾在惠陵工程处当差也。

十四日(3月22日) 晴，晚阴。无起，明发一。有二起，带。到书房站班，张子腾派复试阅卷，匆匆入闱矣，张之万，张家骥，乌拉喜崇阿，锡珍。读好，未初二散，径归。颇闲适，登楼看山，客来皆谢不见。绍彭赠福桔，对之生感。以食物赠伯邸。

十五日(3月23日) 阴，欲雨。二起，军机、礼王。明发三。到戈什爱班屋述旨，见劾贝勒，知今日功课不佳，到直房后即赴书房。上第二次来时不甚怡怿，问夔臣，知早间在后殿大怒，拍表上玻璃，手尽血也。比入，渐渐温语幸开，读生书两号而退，膳后照常。退谒恭邸未晤。许筠庵归自广东，明日请安，延之饭，饭罢即下榻余斋，谈至戌正。

十六日(3月24日) 晨大雾，雾开细雨，入夜浓阴。无军机起，明发二，一起额勒恒额。到书房未及站班，读较昨大胜，气渐舒矣，究竟是肝气，当慎之于未发也，未初二退。驰出城，到潘宅吊，晤徐寿蘅师、绵佩卿，皆数年未见者也。吊张霁亭妻丧。明日开吊，送四两。拜客过厂，见《争坐》一本，雨舂物也。夜作书寄高丽任莲斋。以荆缎一疋赠之。

十七日(3月25日) 雨彻夜，早晨变雪，到地辄化，恐伤麦矣，已午间晴。二起，军机、徐桐。辰正三入，巳初一出。有引见。秋翁未上，看稿毕午初矣。到书房生书已毕，减十遍也，余尚可，未初二退。到署始遇麟公，商略公事，司官以彩棚事来回，颇动气，盖欲援咸丰中案化道光中旧式也。事极多，申正三始散。同邑新中四人来，皆未晤。赵、季、严、杨。得赵次侯信，汉砖一枚甚好。潘孝廉德畲之子。来，亦未晤。

十八日(3月26日) 晴朗,早寒。无起,明发一。读甚好,气通畅矣,未初三散。访绍彭,问其疾,坐半时许。同邑新中举人季锡侯、仲廉子。杨宝书、颢石族侄。赵君修、价人子。严海屏、叶茂如妹婿,甚秀。蒋覲远文肃五世孙,鹏倬。来见,饭,吃点心。潘孝廉来见,甚英发,粤人所稀有也。庚辰门人顾庶常差、直隶臬司松峻峰先后来。最后那世兄携持其叔铭鼎臣函来见。客退暮矣。得衡州书。

十九日(3月27日) (是日《左传》毕,拟稍温习再上古文。)晴寒,晚风。无起,无见面摺。复试官复命呈试卷。到书房满书已毕,读甚好,生书毕余即退。已正二刻到署,是日考选总理衙门章京,凡十五人,午初一刻出题,未初二刻全毕,取八人,最敏捷有条理者:宋承庠、梁有常也,本取六人,燮臣来,必取八人,从之。麟、孙徐、兴皆到,余出题:“铁路议。”归后未见客,辛伯赠熊掌。

二十日(3月28日) 晴,暖。军机起,辰正入,一刻多退。有引见,七明一寄。宝、李先退,余与秋翁待事始散,则午初一刻矣。到书房,知生书一段竟未开口也。膳后如式,然因讲摺稍长,即不愿,奈何,奈何。未初三退。署中全雨、朱燮臣、程鄂南来。成均嵩祝三来,以印钥交余。祭酒景蕻庭擢阁学矣。谈公事讫,从容问以马布衣咒术,嵩君之妻气病不食,一咒而愈,马医有气性,不喜周旋,必数日治一病始有效,颇神奇也。得儒卿信,并诗六首。

廿一日(3月29日) (银鼠袍褂,白袖头,冠领未换。)阴,午后大风,晴矣,尚寒。无起,军机起,一起带。读尚好,余到书房站班,今日无一事也,未初二退,退即归。钱世兄灏灏来见。洞甫之侄,来会试。寅初二刻将上车时,见一星坠西南方,光大如碗。写致鹿侄信。

廿二日(3月30日) 晴,午后大风,天黄,夜寒。无起。读好,未初一散,畏风径归。昨夜吃新会橙,胃气大痛,半夜不得眠,以炒盐熨之始平,今后戒冷食。顾翰臣树屏,新放安庆道缺府,戊午年谊,其父为先公